

**Ikasleen
Sindikatuak
Iruñeko NUPren
berri eman zuten
atzo**

TXARO SATRUSTEGI / IRUÑEA



Ikasleen Sindikatuak aurtengo kurtsoarako prestatutako egitasmoak azaldu zituen atzo emandako prentsaurrekoan. Bertan Gorka Asiain Estatuko idazkari nagusiaketa Iban Piñeiro Nafarroko sindikatu horren arduradun berriak hitzegin zuten. Iruñeko Unibertsitate Publikoaren —NUP— egoera aipatu zuten, eta esan zutenenez, kurtsoa hasi berria dago eta masifikazio arazoak dituzte, horrek hezkuntza kalitatean dakartzan ondorioekin. Hau dela eta, informazio kanpaina egitea erabaki dute, eta gaur bertan hasiko dira hitzaldiak NUPn, goizean eta arratsaldean. Mintzaldi hauetan beren jarrera eta borrokarako prestatutako planak azaldu eta martxan jarri nahi dituzte.

Gai horren barruan, Iban Piñeirok gogor kritikatu zuen Nafarroako Gobernu berriaren jokaera errektorea aldatzean, «hau NUPren aurka doalako, Opuako Unibertsitatea indartzen duen bitartean».

Haurrei emandako tratu txarrak aztergai izango dute munduko adituek Gasteizen

Zenbait ikerketak erakutsi dutenez haurren % 6k jasaten ditu eraso hauek

Ikerketek diotenez, 100 haurretatik seik tratu txarrak pairatzen dituzte. Gertaera ezkutu bezain erreal honetaz ariko dira datorren astean Gasteizen 500 lagun inguru bilduko dira Haurrenganako Tratu Txarre Buruzko Estatuko II Ihardunaldietan.

LUIS KARIOS GARCIA / GASTEIZ



Tratu txarrak jasaten dituzten haurrentzako laguntzarako euskal elkarteak antolatuta, Gasteizen izango dira datorren astelehenetik asteazkenera arte mundu osoko adituak Haurrenganako Tratu Txarre Buruzko II Ihardunaldietan.

Aurkezpena atzo egin zuen Ramon Muñoz batzorde antolatzaileko lehendakariak esan zuenez, «beranduxe hartu dugu aintzakotzat haurrenganako tratu txarren arazoak». Gasteizko ihardunaldiok Espainian egingo diren bigarrenak izango dira eta beste zenbait tokitan gai honi helden «hogeitamar urte» eman dituztela adierazi zuen. Aurreko ihardunaldiak Barcelonan egin zituzten.



Tratu txarren arazo larria aztertuko dute Gasteizen 500 adituk.

OLALDE

Nahiz eta Euskal Herriko haurrek pairatzen dituzten tratu txarre buruzko datu edo azterketa zehatzik ez izan, oro har eta Mendealdeko herrialdeetan egindakoek diotenez, «haurren % 4, 5 edo 6» litzateke Muñozek esan zuenaren arabera. Il-do beretik, aurkezpenean izan zen Eusko Jaurlaritzako ordezkariak «babesik txikiena duen gizarte sektoretzat» jo zituen haurrak.

Euskal elkarteak sortu izanak duen «garrantzia» azpimarratu zuen Teresa Mieg Gasteizko Udaleko zinegotziak eta fisikoak diren tratu txarrez gain «psikologikoak» ere gogoratu zituen Jesus Loza Ongizate diputatuak.

Ihardunaldietako erakunde babesleen artean, Eusko Jaurlaritza, Arazo Sozialetarako Ministeritza, Gasteizko Udala eta Araba, Bizkaia

✓ Ehun haurretatik seik jasaten dituzte tratu txarrak, egindako ikerketek frogatu dutenez.

eta Gipuzkoako foru aldundiak dau-de, antolatzaileen ustez «erakundeek ekintza bateratua agerian utzi duen ekimen txalogarria» dena.

GOI MAILAKO ADITUAK

Ihardunaldietarako matrikula epea ia itxi dute antolatzaileek, dagoneko 470 pertsonak eman bait dute izena. Horietatik 200 inguru Euskal Autonomi Elkarteak dira eta Ramon Muñozen iritziz, «esperientziak trukatzeko abagadunea» izan daiteke parte hartuko duten goi mailako adituen zerrenda ikusirik.

Izan ere, Belgika, Estatu Batuak edo Frantziako adituak Gasteizen izango dira, «haurrenganako tratu txarren kontuan puntako ikerlari gehienak». Euskal Herri zein estatutatik aditu ugari azalduko dira gainera antolakuntzak prestatu dituen monografiko, hitzaldi, eztabaida, tailer edo komunikazioetan.

Iruñeko gartzelaz galdetuko dio IUK Espainiako Gobernuari

IRUÑEA



Espainiako Legebiltzarraren Izquierda Unida —IU— taldeak galdera bat egin dio Gobernuari Iruñeko gartzelari buruz, honek idatziz erantzun dezan. Bertan Iruñeko presondegian emakumezkoentzako saila paratzeko neurriez itauntzen du IUK, eta baita Nafarroak jaso beharko lituzkeen gai horri buruzko ahalmenez ere.

Duela urtebete, Espainiako Espetxe Erakundeak Iruñeko gartzelaren emakumezkoentzako saila Langraizko (Araba) zentrura eramatea erabaki zuen, lehendabizikoak neurri egokiak ez zituelako. Horrek arazo franko sortu du preso eta seni-

deentzat, bisitaldiak zailagoak direla kausa, eta IUK azaltzen duenez, Presondegien Legearen aurka doa, bertan garbi azaltzen bait da lurralde autonomi guztiek horrelako zentrua izan behar dutela.

Orobat, duela gutxi, Iruñeko Aboakuen Elkargoaren Ofiziozko Txandako Batzordeak preso nafarren defentsaz ez arduratzea erabaki zuen, hauek Iruñeko Presondegira etorri arte. Guzti hau dela eta, IUK hiru galdera egin dizkio Gobernuari, eta lehendabizikoan aipatu saila Iruñera ekartzeko neurriez itauntzen du. Bigarrenean, Nafarroako ahalmenez ari da, eta hirugarrenean nafar preso defentsa ziurtatzeko neurriez galdetzen dio Gobernuari IU taldeak.



Iruñeko gartzelako emakumezkoen saila Langraizko zentruan dago egun.

ZAPORETSUA DUZU EUSKARAZ HITZEGITEA.



EUSKARAZKO HIZTEGIA, ZOCO BOTILA BAKOITZAREKIN

Zaporetsua duzu gurea. Mendeetan zehar gordetako ohituren zaporea. Belaundiz belaundiz datozkigun erritoak. Ondo jan eta lagunarteko hizketaldian Patxaran koparen zaporea gozatzea bezala. Geure hizkuntzaz, Euskaraz, hitzegitea bezala. Horregatik orain ZOCO-k 13.000 erdal hitz ohizkoren euskal ordainezko hiztegia eskaintzen dizu. Zaporetsua baita Euskaraz hitzegitea. Gurearen zaporea.



Hizketaldi zaporetsuak

